



zenički privredni

2019

# BILTEN

SLUŽBE ZA PRIVREDU I UPRAVLJANJE RAZVOJEM GRADA ZENICA I ZENIČKE RAZVOJNE AGENCIJE ZEDA



# NEWSLETTER 3

Kontinuirano promovisanje našeg grada, stvaranje poslovnog okruženja, unaprjeđenje Poslovne zone i pružanje podrške našim privrednicima predstavljaju razvojne korake privrede.

Osnovni cilj razvoja našeg grada jeste unaprjeđenje života građana, kontinuirana investiciona ulaganja i bolji ekonomski uslovi. Zenica kao sjedište kantona s odličnom geografskom pozicijom pruža odlične uslove da smo atrakti-

van grad za investicije i nastojimo biti najpovoljnija sredina za investiranje. Naš grad kao urbana sredina obezbjeđuje zavidan nivo kvaliteta uslova života i rada. Nastojimo jačati svijest o privatnom sektoru u našem gradu, pružiti različite oblike podrške za razvoj start up i MSP-a, podržavati „zeleno zapošljavanje“ i koristiti zelene tehnologije, jačati lokalno partnerstvo i povećati broj zaposlenih.

Maksimalno angažovanje, us-

postavljanje prioriteta, strateško planiranje, kontinuiran i dinamičan proces naš su put za ostvarenje željenih ciljeva.

Grad Zenica svakodnevno realizuje različite aktivnosti koje u konačnici doprinose razvoju lokalne zajednice i stvaranju uslova za budući razvoj. U nastavku predstavljamo najznačajnije događaje, projekte i aktivnosti koje je realizovala Služba za privredu i upravljanje razvojem i Zenička razvojna agencija ZEDA.





## POTPISANI UGOVORI S NEVLADINIM ORGANIZACIJAMA: 114.360,00 KM ZA NOVE PROJEKTE

U Gradskoj upravi je upriličeno potpisivanje ugovora između Grada Zenice i organizacija civilnog društva odnosno nevladinih organizacija sa područja grada Zenice, koje su odabrane po Javnom pozivu za dodjelu budžetskih sredstava za 2019. godinu. Pravo učešća u Javnom pozivu imale su sve organizacije

civilnog društva i nevladine organizacije koje su registrovane na području grada Zenice.

Grad Zenica je sa 114.360,00 KM podržao projekte nevladinih organizacija koji su bili u skladu sa razvojnim ciljevima, strateškim dokumentima, akcionim planovima i drugim relevantnim doku-

mentima Grada Zenice.

Sredstva su dobile 62 nevladine organizacije, od ukupno 70 koje su dostavile projektne prijedloge.

Nevladine organizacije su imale priliku dostaviti prijedloge za projekte u oblasti kulture, sporta, socijalne zaštite, privrede, poljoprivrede i zaštite životne sredine.

## GRAD ZENICA I BBI BANKA PODRŽAVAJU ZENIČKE PRIVREDNIKE

Gradonačelnik Zenice Fuad Kasumović i Emir Čehajić, član Uprave BBI banke potpisali su Ugovor o poslovnoj saradnji. Ovaj ugovor predviđa podršku privrednim subjektima koji posluju na području grada Zenice za finansiranje obrtnih sredstava, trajnih obrtnih sredstava i opreme.

Grad Zenica drugu godinu zaredom u saradnji sa BBI bankom provodi projekat pomoći privrednim subjektima koji posluju na području Grada.

Sredstva u visini od 100.000,00 KM za subvencionisanje dijela pro-



fitne marže su osigurana u budžetu Grada Zenice, s ciljem podrške obrtima, mikro, malim i srednjim preduzećima.

BBI banka je za realiza-

ciju Ugovora obezbijedila sredstva u iznosu od 10.120.000,00 KM.

Maksimalan iznos pojedinačnog finansiranja je 200.000,00 KM.

# POTPISANI UGOVORI O DODJELI BESPOVRATNIH PODSTICAJNIH SREDSTAVA: NOVE INVESTICIJE I ZAPOŠLJAVANJE 13 RADNIKA

Gradonačelnik Zenice Fuad Kasumović i predstavnici mikro, malih i srednjih preduzeća koja posluju na području grada Zenice potpisali su ugovor o dodjeli bespovratnih podsticajnih sredstava. Ugovori su potpisani u sklopu Programa mjera za unapređenje privrede za 2019. godinu. Privrednici su imali mogućnost aplicirati na javni poziv i ostvariti podsticaj kroz jednu od mjera iz oblasti razvoja postojećih obrta, mikro, malih i srednjih preduzeća, jačanje i razvoj ženskog preduzetništva odnosno razvoj pre-

duzetništva mladih. Za svaku od mjera predviđeno je zapošljavanje novih radnika, te nabavka osnovnih sredstava i opreme. Pravo na podsticaj ostvarilo je 49 postojećih mikro, malih i srednjih preduzeća od ukupno 71 prijavljenog aplikanta. Sredstva u iznosu 186.640,26 KM osigurana su u budžetu Grada Zenice. Za oblast razvoja postojećih obrta, mikro, malih i srednjih preduzeća odobrena su sredstva u iznosu od 163.759,63 KM, za jačanje i razvoj ženskog preduzetništva 17.529,93 KM, a za razvoj preduzetništva mladih

5.350,70 KM. Od ukupno odobrenog iznosa Grad Zenica je sa 147.640,26 KM učestvovao u nabavci osnovnih sredstava i opreme za 41 postojeće mikro, malo i srednje preduzeće, dok su iznos od 380.000,00 KM obezbijedili korisnici podsticaja, čime je ostvarena ukupna investicija vrijedna 527.461,55 KM. Također, Grad Zenica je sa 39.000,00 KM podržao osam postojećih mikro, malih i srednjih preduzeća u subvencionisanju poreza i doprinosa za zapošljavanje, čime su stvoreni uslovi za otvaranje 13 novih radnih mjesta.



## GRAD ZENICA POMAŽE MLADE ZENIČANE KOJI POKREĆU SVOJ “PRVI BIZNIS” SA 84.000 KM

U Gradskoj upravi Zenice upriličeno je potpisivanje ugovora sa korisnicima kojima su odobrena bespovratna podsticajna sredstva za pokretanje start up-a. Sredstva u iznosu od 84.000,00 KM dodijeljena su na osnovu javnog poziva koji je raspisao Grad Zenica, a namijenjena su

za nabavku osnovnih sredstava i subvencionisanje poreza i doprinosa. Maksimalan iznos podsticaja za osnivanje obrta je 3.000,00 KM odnosno za osnivanje privrednog društva 5.000,00 KM.

Pravo učešća imali su obrti i pravna lica osnovana u gradu

Zenica nakon 01.01.2019. godine, kao i lica koja su planirala osnovati svoju start up firmu nakon objave javnog poziva. Bespovratna podsticajna sredstva dobilo je 24 mladih, od čega šest korisnika za osnivanje preduzeća i 18 korisnika za osnivanje obrta.

# POTPISANI UGOVORI SA SEDAM OPĆINA I GRADOVA O SUFINANSIRANJU IZGRADNJE POSLOVNIH ZONA

Po 150 hiljada konvertibilnih maraka odobreno je iz kantonalnog budžeta za pet općina i dva grada u našem kantonu, za subvenciju za organizaciju i izgradnju poslovnih zona. Za ove namjene odobreno je 890 hiljada maraka za organizovanje i izgradnju poslovnih zona u sedam gradova i općina.

Gradnja poslovnih zona je jedan od važnih preduslova za stvaranje poduzetničke klime i ukupan ekonomski razvoj. Po 150 hiljada konvertibilnih

maraka odobreno je iz kantonalnog budžeta za pet općina i dva grada u našem kantonu za subvenciju za organizaciju i izgradnju poslovnih zona. Za poslovnu zonu u Zenici izdvojeno je 150 hiljada konvertibilnih maraka.

*“Gradska uprava je kontinuirano opredijeljena da radi na poboljšanju privrednog ambijenta, a stvaranje osnovnih infrastrukturnih uslova je temelj da investitori dođu i ulažu u naš grad. Naša Poslovna zona već sada broji 1.200*

*zaposlenih, a imamo i blizu milion maraka ugovorenih radova, tako da ćemo i u narednom periodu aplicirati i koristiti grant sredstva”,* kazala je **Amra Mehmedić**, pomoćnica gradonačelnika za privredu i upravljanje razvojem Grada Zenice.

Gradovi i općine koje su aplicirale na ovaj projekat, dobile su 150 hiljada maraka, što je maksimalan iznos za uređenje poslovnih zona kao i 10 hiljada konvertibilnih maraka za izradu projektne dokumentacije.



## FONDACIJA MOZAIK ZENIČKIM PRIVREDNICIMA PREDSTAVILA MOGUĆNOSTI INVESTIRANJA U NJIHOVE BIZNISE

Fondacija Mozaik u saradnji sa Gradom Zenicom i Zeničkom razvojnom agencijom ZEDA održala je prezentaciju 25. septembra 2019. godine u prostorijama Agencije ZEDA tokom koje je privrednicima koji trebaju podršku za unapređenje svoga biznisa predstavila sisem rada Fondacije Mozaik koja je vodeći impakt investitor u regionu.

Podrška investitora podrazumijeva: investiciju do 40.000 KM za nabavku opreme, materijala ili druga ulaganja za unapređenje i rast biznisa; razvoj prodaje, računovodstvene usluge, pravne usluge ili podršku stručnjaka.

Na prezentaciji su prisutnima predstavljeni uslovi, mogućnosti i načini investiranja

Fondacije Mozaik u njihove biznise, predstavljeni su iznosi investicija, razgovarano je o potencijalnim rizicima, rokovima i onome što slijedi nakon stupanja u partnerstvo. Ovo je tek početak saradnje između Grada Zenice, Agencije ZEDA i Fondacije Mozaik.

Gradonačelnik Zenice **Fuad Kasumović** sa saradnicima, posjetio je firmu Selecta d.o.o., Zenica.

Firma danas zapošljava 27 radnika, a u planu je da u narednoj godini taj broj bude duplo veći.

Gradonačelnik Fuad Kasumović je rekao kako je cilj posjete ovoj, ali i drugim zeničkim kompanijama da se na terenu čuju i utvrde potrebe privrednika.

Grad Zenica je u protekle dvije godine povećao izdvajanja za privredu 150 posto.

U budžetu za ovu godinu osigurano je 300.000 KM za podsticaje razvoju privrede. Preduzeto je niz mjera za poboljšanje poslovnog ambijenta.

Istakao je da je privrednicima koji posluju na području grada Zenice na raspolaganju preko 10 miliona KM kredit-



## GRADONAČELNIK KASUMOVIĆ POSJETIO FIRMU SELECTA

nih sredstava koje će, zahvaljujući saradnji Grada Zenica i BBI banke, obezbijediti ova banka. Sredstva u visini od 100.000,00 KM za subvencio-

nisanje cijele profitne marže su osigurana u budžetu Grada Zenice, s ciljem podrške obrtima, mikro, malim i srednjim preduzećima.

## GRADONAČELNIK KASUMOVIĆ POSJETIO NOVOOTVORENE POGONE PREDUZEĆA ECOCOMFORT d.o.o. ZENICA

Gradonačelnik Zenice **Fuad Kasumović** i Pomoćnica Gradonačelnika za privredu i upravljanje razvojem **Amra Mehmedić** posjetili su omladinsko naselje u Nemili, gdje se od 1. aprila ove godine nalaze proizvodni pogoni preduzeća "Ecocomfort" d.o.o. Zenica.

"Ecocomfort u dva pogona u Zenici upošljava 130 ljudi koji proizvode tekstil i obuću, isključivo za inostrano tržište. U objektima godinama napuštenog naselja uz magistralni put M-17 trenutno 95 radnika proizvodi obuću za italijansko tržište.

Posljednjih dvadesetak godina Grad Zenica je iz budžeta izdvojila stotine hiljada konvertibilnih maraka za električnu energiju, održavanje i strażarsku službu koja je osigura-



vala devastirano omladinsko naselje u Nemili.

Nakon obilaska pogona "Ecocomforta" gradonačelnik nije krio zadovoljstvo.

Grad Zenica je prije nepunih godinu dana izdvojio 41.000

KM za asfaltiranje 380 metara puta koji je omladinsko naselje spojio sa magistralnim putem M-17, čime su stvoreni preduslovi za razvoj privrede ali i bolje uslove života stanovnika Stare Nemile.

# GRADONAČELNIK KASUMOVIĆ U PREDUZEĆU "BOHA" d.o.o.

Iako je početkom 2017. godine menadžment preduzeća "BOHA" d.o.o. pogone za proizvodnju namještaja namjeravao dislocirati iz Zenice, stvaranjem povoljnih uslova za razvoj malih i srednjih preduzeća i uopće investitore, "BOHA" danas upravo u svome gradu piše pozitivnu priču. Gradonačelnik je obišao ovo preduzeće i uvjerio se u njihov uspjeh. Gradska uprava Zenica u protekle dvije godine aktivirala je niz mjera i programa kojima potiče privredni razvoj u našem gradu. Među najaktuelnijim je program finansijske linije za podršku privrednim subjektima i obrtnicima za produktivnije



poslovanje i rast privrednih aktivnosti koji se ogleda kroz subvencioniranje profitnemarže u iznosu od 100 posto od stra-

ne Grada Zenica. Beskamatna kreditna linija može se realizovati zahvaljujući saradnji Grada Zenica i BBI Banke.

# GRADONAČELNIK KASUMOVIĆ SA SARADNICIMA POSJETIO KOMPANIJU DELTA TRADE

Gradonačelnik Zenice Fuad Kasumović sa saradnicima posjetio je kompaniju Delta Trade d.o.o. Zenica.

Razgovarano je o problemima i izazovima sa kojima se susreće ova uspješna zenička firma. Također, diskutovano je o aktuelnom stanju u poljoprivredi na području grada Zenica, te razvojnim planovima kada je u pitanju oblast poljoprivrede.

Preduzeće je osnovano 1998. godine, a godine napornog truda i rada rezultirale su time da Delta trade postane značajan dobavljač sjemenki, začina i sirovina za konditorsku industriju.

Vlasnici kompanije Gordana Marković i Henry Tjahjoko su naglasili važnost zajedničkog dijaloga i sinhronizovanog djelovanja u prepoznavanju i utvrđivanju prioriternih oblasti za poticaj razvoju poljoprivrede. Direktorica Marković je gradonačelnika Kasumovića upo-



**Grad Zenica je u 2019. godini za poticaj poljoprivrednoj proizvodnji izdvojio sredstva u iznosu od 650.000,00 KM.**

znala da firma Delta trade planira proizvoditi i izvoziti voće i povrće sa našeg podneblja. U

tom smislu, istaknuta je mogućnost proširenja kapaciteta kompanije.



## OD 17 PONUĐENIH, PRODATO 15 NOVIH PARCELA U POSLOVNOJ ZONI ZENICA 1

U periodu od 16. aprila do 31. maja 2019. godine Grad Zenica je raspisao Javni konkurs o prodaji neizgrađenog građevinskog zemljišta putem licitacije u Poslovnoj zoni Zenica 1 u Zenici radi izgradnje poslovnih objekata.

Parcelizacija je uslijedila na osnovu izraženih pisama namjere/interesa privrednih subjekata za kupovinu neiz-

građenog građevinskog zemljišta u Zoni.

Ovo je četvrta parcelizacija i prodaja neizgrađenog građevinskog zemljišta putem licitacije u protekle dvije godine u Poslovnoj zoni Zenica 1 u kojoj za sada djeluje 74 preduzeća.

U protekloj godini je prodato 11 parcela, a u 2019. godini od 17 ponuđenih, 15 je prodato, čime se stvaraju preduslovi

za otvaranje novih preduzeća, proširenje postojećih, te se omogućava otvaranje novih radnih mjesta.

Na ovaj način Poslovna zona Zenica 1 postaje grad firmi u čiji razvoj Grad Zenica i Agencija ZEDA kontinuirano ulažu napore i rade na stvaranju ambijenta koji će biti ugodan za poslovanje i privlačan za investitore.

## REALIZOVANE BROJNE AKTIVNOSTI NA UREĐENJU POSLOVNE ZONE ZENICA 1

Uređenje Poslovne zone Zenica 1 i stvaranje povoljnog poslovnog ambijenta jedna je od kontinuiranih aktivnosti koje realizuje Grad Zenica u saradnji sa Agencijom ZEDA.

U posljednje dvije godine, Grad Zenica je u saradnji sa Agencijom ZEDA proveo različite aktivnosti na poboljšanju poslovnog ambijenta među kojima su:

- čišćenje i prodaja parcela investitorima,
- sanacija i rekonstrukcija vodovodne i kanalizacione mreže,
- provedena rekonstrukcija javne rasvjete
- u toku je realizacija radova na izgradnji saobraćajnica

i prateće infrastrukture,

- postavljena je signalizacija/bilbordi -3D mapa slobodnih i zauzetih površina
- postavljene su putokazi za svako preduzeće koje djeluje u Zoni, od ulaza do samog preduzeća,
- postavljene su unificirane table s nazivima preduzeća za svakog stanara Biznis inkubatora Zenica
- Zona je stavljena pod nadzor postavljanjem videonadzora
- uklonjene su divlje deponije i postavljene table upozorenja o zabrani nelegalnog odlaganja otpada,
- provedeno košenje trave, mehaničko čišćenje od gustog rastinja i pranje ulica

Nakon što je Grad Zenica u periodu od 16. aprila do 31. maja 2019. godine raspisao Javni konkurs o prodaji neizgrađenog građevinskog zemljišta putem licitacije u Poslovnoj zoni Zenica 1 u Zenici radi izgradnje poslovnih objekata, Zona je dobila nove vlasnike parcela, te je shodno tome izvršeno ažuriranje mape slobodnih i zauzetih površina u Zoni.

Na ovaj način, korak po korak, Poslovna zona Zenica 1 svakim danom postaje ugodnija za poslovanje, ambijent u kojem djeluje 86 preduzeća pretvara se u centar poduzetništva i mjesto u kojem svoju priliku za poslovanje dobivaju mala i srednja preduzeća.



# GRAD ZENICA I AGENCIJA ZEDA UČESTVOVALI NA STUDIJSKOJ POSJETI GRADU ŠIBENIKU U OKVIRU CRS-ovog PROJEKTA: “UNAPREĐENJE UPRAVLJAČKIH SPOSOBNOSTI JLS I VIŠIH NIVOVA VLASTI U BiH”

Kako bi podržao jedinice lokalne samouprave (JLS) kao i nadležna entitetska ministarstva pri unapređenju poslovnog okruženja, Catholic Relief Services (CRS) je organizovao studijsku posjetu odgovarajućim institucijama i organizacijama u Gradu Šibeniku. JLS među kojima je i Grad Zenica su izabrane na osnovu njihove uspješnosti i iskustva u podsticanju postojećih i privlačenju novih investicija kao i na osnovu njihove spremnosti da primijene drugačije i nove pristu-

pe vezane za intenziviranje aktivnosti lokalnog ekonomskog razvoja. Treba istaći da su učesnici imali priliku posjetiti najbolju poduzetničku zonu u Hrvatskoj PODI koju je Agencija za investicije i konkurentnost RH proglasila najboljom poduzetničkom zonom u Hrvatskoj. Grad Zenica i Zenička razvojna agencija ZEDA kao upravitelj Poslovne zone Zenica 1 su prenijeli iskustva i primjere dobre prakse, te razmijenili mišljenja i ideje, a jedan dio iskustava iz Hrvatske će se moći prenije-

ti i na Poslovnu zonu Zenica 1 kako bi stvorili bolji ambijent za poslovanje postojećih privrednih subjekata i privlačenje novih, kako domaćih tako i stranih. Učesnicima studijske posjete je prezentovana nužnost sistemskog pristupa pri osnivanju industrijske zone, potencijalni izvori za finansiranje izgradnje infrastrukture, te važnost uspostave upravitelja zone koji treba biti u stalnoj i direktnoj komunikaciji sa načelnicima i odgovarajućim službama JLS.

## TECH LJUBITELJI NA FIND YOUR SPARK U AGENCIJI ZEDA

Subota 20. jula 2019. bio je dan rezervisan za prvi Find Your SPARK događaj koji je prvi put organizovan u Zenici. Na događaju je učestvovalo više od 100 posjetilaca, a 15 najhrabrijih i najznatiželjnijih učestvovalo je na radionici i takmičenju. Organizator događaja bio je Spark Mostar u saradnji sa partnerima ZeForge-om i Agencijom ZEDA. Događaj je trajao više od pet sati, a prostorije Agencije ZEDA su bile ispunjene 3D printerima i skenerima, Makeblock, STEMI i UBTECH robotičima, DJI dronovima. Ovom prilikom održana je i radionica o 3D modeliranju i printanju. Sudionici su svoje znanje demonstrirali na takmičenju Tech Challenge.



# ZEDA UČESNIK FIND YOUR SPARK 2019 U MOSTARU

Dana 14. septembra 2019. održao se Find Your SPARK događaj koji je obilovao različitim zanimljivim sadržajima kao što su gadget show, fun zona, te edukacijske radionice.

Preduzeće SYNC iz Mostara i ove se godine pobrinulo za kategorije pametnih uređaja i dronova, Google uređaja i aplikacije za svakodnevni život. Bili su tu zvučnici koji se aktiviraju glasom, Wi-Fi rješenje koje emitira snažan signal u vašem domu, napredne kamere koje mogu razlikovati ljude i stvari i mnogi drugi pametni uređaji. Amazon pametni uređaji mogu svirati muziku, odgovarati na pitanja, čitati vijesti i audio knjige, upozoriti vas na vremenske prognoze, izvještavati o rezultatima utakmica i



još mnogo toga.

Agencija ZEDA predstavila je Proxxonn CNC mašinu te 3D skener koji ima u svome asor-

timanu. Mnogi znatiželjni učesnici su rado postavljali pitanja i istraživali mogućnosti primjene ovih uređaja.

## ZEDA ORGANIZOVALA DRUGI CIKLUS KREATIVNIH RADIONICA U OKVIRU PROJEKTA „BUDI KREATIVAN I TI!“

Nakon što je Zenička razvojna agencija ZEDA u periodu od 03. do 24. aprila u partnerstvu s preduzećem Fedi d.o.o. Zenica implementirala pilot projekat „Budi kreativan i ti“ koji je podrazumijevao ciklus kreativnih radionica, zbog velikog interesa građana za učešće na

radionicama, ZEDA je 23. maja organizovala drugi ciklus kreativnih radionica i nastavila projekat „Budi kreativan i ti“. Drugi ciklus podrazumijeva intenzivniju saradnju sa školama, ponavljanje nekoliko najtraženijih radionica, te realizaciju novih. Do sada je realizo-

vano 15 kreativnih radionica. Projekat finansira Agencija ZEDA, a cilj ovog projekta je jačanje kompetencija i sticanje novih vještina koje će biti podloga svima onima koji usavrše tehnike i vještine kreativnog stvaranja da u budućnosti hobi pretvore u posao.

## ZEDA USPJEŠNO REALIZOVANA CNC EDUKACIJU - “OSNOVE CNC PROGRAMIRANJA I RUKOVANJA CNC MAŠINAMA”

U periodu od 23. maja do 10. juna Agencija ZEDA je organizovala edukaciju “Osnove CNC programiranja i rukovanja CNC mašinama”. Edukacija se održavala tri puta sedmično, odnosno 30 radnih sati i bila je namijenjena svima koji žele naučiti osnove

CNC programiranja i rukovanja CNC glodalicama. Edukacija je realizovana u prostorijama Agencije ZEDA (Impulsi kreativni centar). Nakon završene edukacije, polaznici su osposobljeni da samostalno mogu napraviti jednostavnije predmete i uručena im je

potvrda o završenoj edukaciji. Ova edukacija je dio aktivnosti međunarodnog projekta FORESDA koji implementira Agencija ZEDA zajedno sa 12 partnera i 7 pridruženih strateških partnera na području 9 podunavskih zemalja partnera.

## ZEDA REALIZOVALA OBUKU IZ PROGRAMA TOWER

U okviru implementacije projekta FORESDA, Agencija ZEDA je u junu organizovala obuku za program TOWER.

Obuka se sastojala od 20 nastavnih časova, a učestvovali su oni koji su željeli naučiti raditi na programu za statičku i dinamičku analizu konstrukcija i dimenzionisanje betonskih, čeličnih i drvenih elemenata. Pomoću ovog programa se vrši sveobuhvatna analiza uticaja u ravanskim i prostornim konstrukcijama.

Polaznici koji su uspješno položili završni test su dobili



Certifikat o uspješno završenoj obuci u programu Tower.

ZEDA će i u budućnosti organizovati različite edukacije.

## GRAD ZENICA PODRŽAO POKRETANJE NOVOG CIKLUSA ZEFORGE AKADEMIJE

ZeForge Developers Community Zenica je prva zajednica programera u Zenici koja kroz svoje aktivnosti i projekte nastoji podići IT svijest povećanjem znanja i vještina prvenstveno kod mladih ljudi i svih onih koji vide svoje mjesto u svijetu informacionih tehnologija.

Nakon tri godine postojanja, ZeForge je po drugi put pokrenuo ZeForge Akademiju kojom se nastoji kreirati platforma za razvoj IT sektora u Zenici i okolini. ZeForge Akademija je moderna i napredna škola programiranja u Zenici ustrojena prema novim standardima učenja i najaktuelnijim tehnologijama u svijetu software inženjeringa.

Od samog početka Grad Zenica je podržao ovu inicijativu što se ogleda kroz dodjelu bespovratnih sredstava u okvi-



ru Javnog poziva za nevladine organizacije na koji je ZeForge aplicirao projektom „Zenica IT grad“. Grad Zenica je ZeForge-u također ustupio prostor na korištenje za potrebe Udruženja koji će nakon adaptacije biti moderno i atraktivno mjesto za razvoj IT-a. U okviru ovog Projekta realizuju se aktivno-

sti: HammerIT (konferencija softverskog inženjeringa), ZeForge Akademija, ZeForge Meetupi i ZeForge Lab.

Treba napomenuti da su svoju podršku ZeForge-u do sada pružili Federalno ministarstvo razvoja, poduzetništva i obrta, Agencija ZEDA, Bit Alijansa, NSoft i Spark Mostar.



# U NEMILI ODRŽAN OKRUGLI STOL O ZNAČAJU PČELA ZA LJUDSKU ZAJEDNICU

Udruženje građana pčelara "Pčela Nemila" u subotu, 14. septembra bilo je organizator prvog "Sajma pčelarstva Nemila 2019". U okviru sajma priređen je i okrugli stol o značaju pčela za ljudsku zajednicu pod nazovim: "Značaj pčelarstva za život i zdravlje ljudi". Tom prilikom dodijeljena su priznanja uglednim pčelarima, a održano je i predavanje Ferida Velagića na temu "Proizvodnja matica po sistemu Ferida Velagića".

Mnogi ljubitelji pčelarstva posjetili su sajam i dali doprinos svojim učešćem. Na platou centra Nemile upriličena je svečanost povodom 1. "Sajma pčelarstva Nemila 2019", gdje



su se okupili brojni proizvođači meda i proizvoda od meda Nemilskog sliva, kao i mno-

gobrojni gosti iz susjednih gradova. Petnaestak izlagača predstavilo je svoje proizvode, kojima se na učešću zahvalio i Zeinir Halilović, predsjednik Udruženja "Pčela Nemila". Istaknuta podrška Gradske uprave i gradonačelnika Fuada Kasumovića kojem je tom prilikom dodijeljeno priznanje za doprinos u razvoju i radu Udruženja.

Od samog početka, Grad Zenica podržao je Udruženje pčelara "Pčela Nemila" što se svakako ogleda kroz dodjelu bespovratnih sredstava u iznosu od 3.700 KM u okviru Javnog poziva za nevladine organizacije na koji je ovo Udruženje apliciralo u 2018. godini.

## GRAD ZENICA I AGENCIJA ZEDA NA GODIŠNJEM SASTANKU I RADIONICAMA U OKVIRU PROJEKTA PROGIREG



Predstavnici Grada Zenice i Agencije ZEDA prisustvovali su godišnjem sastanku Odbora gradova i radionicama za predstavnike gradova u okviru proGireg projekta koji se održao u Cluju, Rumunija, u maju 2019. godine. Radionice su imale za cilj stimulisanje i

planiranje razmjene znanja između gradova kako bi se ojačala replikacija i provodivost samih rezultata projekta. Cilj projekta je produktivna zelena infrastruktura za postindustrijsku urbanu regeneraciju odnosno definisanje kriterija za održivi urbani

razvoj uz implementaciju zelenih i pametnih tehnologija, putem popisa aktivnosti za provedbu na terenu koje su u skladu sa Strategijom razvoja Grada, te s načelima primjene rješenja temeljenih na prirodni-NaturalBased Solutions.



## GRAD ZENICA NASTAVLJA REALIZACIJU PROJEKATA ENERGETSKE EFIKASNOSTI

Grad Zenica nastavlja sa pripremom i realizacijom projekata energetske efikasnosti. Kako bi iskoristili mogućnost koju nude viši nivoi vlasti, kao i međunarodne organizacije sa sjedištem u našoj zemlji, Služba za privredu i upravljanje razvojem kontinuirano priprema prijedloge projekata iz različitih oblasti. Tako će uz podršku Federalnog ministarstva prostornog uređenja biti rea-

liziran projekat "Utopljanje objekta Doma mladih Zenica". Nakon javnog poziva pod nazivom "Tekući transferi drugim razinama vlasti i fondovima - za projekat utopljanja zgrada radi uštede energije", koji je krajem aprila raspisalo ovo ministarstvo, Gradu Zenica odobrena su sredstva u iznosu od 50.000, 00 KM za utopljanje i primjenu mjera energetske efikasnosti na objektu

Doma mladih u Zenici. Grad Zenica će iz vlastitih sredstava sufinansirati aktivnosti na realizaciji projekta. Dom mladih jedan je od objekata za koji je u sklopu projekta "Izrada detaljnih energetske pregleda na području Grada Zenica" izrađen pregled energetske efikasnosti. Riječ je o projektu koji je realizovala Gradska uprava Zenice, uz podršku Fonda za zaštitu okoliša FBiH.

## PREDSTAVNICI GRADA ZENICE U SKLOPU PROJEKTA MPOWER2020 POSJETILI BRISEL

Grad Zenica, kao jedini član iz Bosne i Hercegovine, učestvuje u projektu mPower kojeg čini konzorcijum partnera Univeritet Glasgowa, Platform, Transnacionalni Institut (Holandija), Energy Cities, Institut za političku ekologiju (Hrvatska), Univerzitet Basque zemlje i Carbon Co-op, a koji je financiran od strane EU u sklopu projekta Horizon 2020. Mpower predstavlja program za učenje u cilju pomoći općinama i gradovima u razvijanju inovativnih projekata u oblasti energetike i u kreiranju ambicioznih

planova u sklopu energetske tranzicije, a sve u cilju stvaranja poštene, čiste i demokratske energetske budućnosti. Od 24 evropska grada koji učestvuju u projektu, Grad Zenica pripada grupi 3- Energetska efikasnost (mali gradovi). Grupi također sačinjavaju gradovi Horst aan de Maas (Holandija), Frederikshavn (Danska), Rijeka (Hrvatska), Aradippou (Kipar) i Mizil (Rumunija). U sklopu ovog putovanja, članovi grupe 3 su prezentovali karakteristike gradova i država iz kojih dolaze, radili grupno na generiranju ideja

i prevazilaženju pojedinačnih prepreka, a zatim prisustvovali predavanju eksperata Joris Gansemansa, klimatskog savjetnika gradonačelnika Genta, Annick Vanderpoorten, šefice odjela Briselskog ureda za okoliš i Clémence Hutin, predstavnice organizacije Friends of the Earth Europe i klimatskog eksperta. Nakon predavanja, dogovoreni su sljedeći koraci koji se sastoje od intenzivnih online seminara i sastanaka, a sve u oblasti energetske efikasnosti i obnovljivih izvora energije.

# REALIZACIJA PROJEKTA „REKONSTRUKCIJA I UREĐENJE IZLETIŠTA SMETOVI“



Služba za privredu i upravljanje razvojem Grada Zenica inicirala je i osmislila projekat "Rekonstrukcija i uređenje izletišta Smetovi". Na Smetovima su održani brojni sastanci predstavnika subjekata uključenih u implementaciju projekta: Grad Zenica, Javno preduzeće za upravljanje i održavanje sportskih objekata Zenica, Ministarstvo privrede ZDK, "Salčinović" d.o.o., "Glovis" d.o.o. i "Zenička razvojna

agencija ZEDA" d.o.o. Kako bi popularno zeničko izletišta u što kraćem vremenskom periodu dobilo novi sjaj i da bi Smetovi postali prepoznatljivo, sadržajima bogato mjesto za odmor i rekreaciju u prirodi. Projekat "Rekonstrukcija i uređenje izletišta Smetovi" podrazumijeva: uređenje igrališta za djecu do 5 godina, postavljanje klupa oko igrališta, te postavljanje setova stolova i stolica duž šetačke staze od

restorana „Salčinović“ do spomenika, asfaltiranje terena za mali nogomet sa dva aluminijska gola, asfaltiranje terena za košarku sa dvije košarkaške konstrukcije, postavljanje sjedala od impregniranog drveta na tribine oko sportskih terena, popravljavanje ograde oko sportskih terena, igralište za veliku djecu, rekonstrukciju postojećeg igrališta odbojke na pijesku i uređenje trim staze sa trim spravama.

## ZEDA PREDSTAVILA ISKUSTVA IZ PROJEKTA GREENCAP NA „INTERREG MED IPA CAPITALIZATION DAY“

Dana 13. juna 2019. godine Direkcija za evropske integracije BiH organizovala je „**INTERREG MED IPA CAPITALIZATION DAY**“ u cilju razmjene informacija, ideja, iskustava i prijedloga rješenja iz implementacije projekata s kojima su se susretali učesnici događaja – predstavnici

horizontalnih i modularnih projekata finansiranih iz MED programa. Mnogi projekti će se okončati krajem 2019. godine i ovo je bila odlična prilika da se prikaže dodana vrijednost saradnje Interreg MED-a u procjeni stvarnog učinka projekata Interreg MED-a kroz IPA regije.

Predstavnici Agencije ZEDA i Grada Zenice kao partneri u jednom od projekata finansiranih iz MED programa (projekat GreenCap) na panel diskusiji „Kako prenijeti rezultate u IPA“ zemlje, prisutnima su prenijeli dosadašnje iskustvo tokom aktivnosti realizovanih u projektu GreenCap.



Projekat „Dijaspora za razvoj“ je projekat Ministarstva za ljudska prava i izbjeglice BiH i Vlade Švicarske, u partnerstvu sa UNDP BiH i IOM BiH.


Grad Zenica u sklopu ovog projekta provodi program obuke kandidata kroz IV ciklusa, a kroz implementaciju lokalne inicijative unaprjeđenja kvaliteta radne snage u metaloprerađivačkom sektoru.

Lokalnim projektom „Podrška zapošljavanju u metaloprerađivačkoj industriji u Gradu Zenici u saradnji sa privrednim subjektima iz dijaspore“ predviđen je transfer

znanja i tehnologija u specijalističkim metalnim zanimanjima. Konačan rezultat projekta treba biti povećanje konkurentnosti nezaposlenih osoba na lokalnom tržištu rada i povećanje stope zaposlenosti mlade populacije ljudi. U konačnici bi stalno zaposlenje trebalo dobiti 15 najboljih kandidata koji prođu obuku za zavarivače i bravare. Predstavnici kompanije iz dijaspore učestvuju direktno u kreiranju programa stručne edukacije za metalna zanimanja i njegovom sprovođenju u okviru privatnog

preduzeća „Fuel Boss“ d.o.o. Zenica. Tokom uspješnog I ciklusa obuke, sedam kandidata je dobilo priliku za novo zaposlenje što i jeste krajnji cilj projekta. Naime, nakon početka II ciklusa obuke sa ukupno 10 kandidata.

Također se želi provesti istraživanje koje bi obuhvatilo zemlje širom svijeta, a fokus bi se stavio na stanovništvo iz Zenice, te se želi osigurati pregled društveno-ekonomskog profila dijaspore iz Zenice, uključujući demografske, sociološke, ekonomske i društveno-kulturološke podatke.



# JAVNI POZIV GRADA ZENICA I NVO "CARITAS ŠVICARSKE" ZA DODJELU PLASTENIKA SA DODATNOM OPREMOM SUFINANSIRANJA U PROJEKTU



U sklopu projekta „Stvaranje prihoda i radnih mjesta u poljoprivrednom sektoru u Bosni i Hercegovini - (IGAS) 2016-2020“ i projektnih aktivnosti „Plastenička proizvodnja povrća 2019-2020 u Gradu Zenica“, a na osnovu Sporazuma između Grada Zenica i NVO „Caritas Švicarske“, gradonačelnik Zenice Fuad Kasumović raspisao je javni poziv za dodjelu plastenika 100 m<sup>2</sup> sa dodatnom opremom. S ciljem razvoja plasteničke proizvodnje na području Grada Ze-

nica za ovaj javni poziv osigurana su donatorska sredstva od strane „Caritas Švicarske“ 40 %, Grad Zenica 40 % i vlastitog učešća korisnika 20 %, Zenice za 15 korisnika, te donatorska sredstva od strane „Caritas Švicarske“ 10 %, Grad Zenica 50 % i vlastitog učešća korisnika 40 % za 5 starih korisnika koji su u prethodnom periodu bili dio ovih projektnih aktivnosti.

Pravo učešća imaju imaju nezaposlene osobe, prvenstveno

mladi i žene sa područja grada Zenica koje posjeduju vlastito poljoprivredno zemljište ili njihovi uži članovi porodice, kao i zemljište ustupljeno na korištenje ili u zakup u neposrednoj blizini stambenog objekta u kojem stanuju. Također, pravo učešća mogu uzeti korisnici koji su dobili plastenike u prethodnoj projektnoj aktivnosti Caritasa i Grada Zenice. Grad Zenica i Caritas Švicarske su nosioci aktivnosti vezanih za realizaciju Projekta.

## JAVNI POZIV ZA PREDAJU ZAHTJEVA ZA DODJELU 10 PAKETA ZA UZGOJ JAGODA UZ SUFINANSIRANJE U PROJEKTU

U sklopu projekta „Stvaranje prihoda i radnih mjesta u poljoprivrednom sektoru u Bosni i Hercegovini - (IGAS) 2016-2020“ i projektnih aktivnosti „Proizvodnja jagode u niskim tunelima na području grada Zenice“ i na osnovu Sporazuma zaključenog između Grada Zenica i NVO „Caritas Švicarske“, broj: 02-49-12578/19 od

18.06.2019. kojim su osigurana donatorska sredstva od strane „Caritas Švicarske“ 35 %, Grad Zenica 45 % i učešća korisnika 20 %, u cilju razvoja voćarske proizvodnje na području grada Zenice, Grad Zenica raspisao je Javni poziv za predaju zahtjeva za dodjelu 10 paketa za uzgoj jagoda uz sufinansiranje u projektu. Pravo uče-

šća imale su sve nezaposlene osobe, osobe sa minimalnim primanjima do 400,00KM, mladi i žene sa područja grada Zenice koje posjeduju vlastito poljoprivredno zemljište ili njihovi uži članovi porodice kao i zemljište ustupljeno na korištenje ili u zakup po mogućnosti u blizini stambenog objekta u kojem stanuju.





## JAVNI POZIV ZA DODJELU PODSTICAJA IZ PROGRAMA MJERA ZA UNAPREĐENJE PRIVREDE ZA 2019. GODINU NA PODRUČJU GRADA ZENICA ZA “MOJ PRVI BIZNIS U GRADU ZENICA - START UP”

Na osnovu Zakona o poticaju razvoja male privrede (“Službene novine ZDK”, broj 07/16), Statuta Grada Zenica (“Službene novine Grada Zenica”, broj 5/15), a u skladu sa Programom mjera za unapređenje razvoja privrede za 2019. godinu na području grada Zenice, usvojen na 34. sjednici Na osnovu Zakona o poticaju razvoja male privrede (“Službene novine ZDK”, broj 07/16), Statuta Grada Zenica (“Službene novine Grada Zenica”, broj 5/15), a u skladu sa Programom mjera za unapređenje razvoja privrede za 2019. godinu na području grada Zenice, usvojen na 34. sjednici Gradskog vijeća 05.marta 2019. godine,

na prijedlog Službe za privredu i upravljanje razvojem, Gradonačelnik Grada Zenica raspisala je Javni poziv za dodjelu podsticaja iz Programa mjera za unapređenje privrede za 2019. godinu na području Grada Zenica za “Moj prvi biznis u Gradu Zenica – START UP”. Predmet Javnog poziva je dodjela bespovratnih podsticajnih sredstava iz Programa mjera za unapređenje privrede za 2019. godinu na području grada Zenice, s ciljem unapređenja samozapošljavanja (pokretanje start up firmi) i zapošljavanja, poboljšanja općih uslova za razvoj i konkurentnost obrta, malih i srednjih preduzeća.

U okviru ovog Javnog poziva realizuje se sljedeća mjera i prioritetna oblast iz Programa mjera za unapređenje razvoja privrede: Podsticaj za “Moj prvi biznis u Gradu Zenica – START UP” (Podsticaj samozapošljavanja i zapošljavanja kroz pokretanje i razvoj start up-a). Ukupno planirana sredstva namijenjena za dodjelu podsticaja po ovom Javnom pozivu iznose 48.000,00 KM.

Aplikanti koji apliciraju mogu ostvariti pravo na maksimalan iznos do 3.000,00 KM za osnivanje obrta, odnosno maksimalan iznos do 5.000,00 KM za osnivanje privrednog društva (d.o.o).



**IZDAVAČ:** Grad Zenica; **PRIPREMA PUBLIKACIJE:** Služba za privredu i upravljanje razvojem i Zenička razvojna agencija ZEDA; **AUTORI TEKSTOVA:** Armin Mujkić, Maida Mujanović, Ajna Dedić, Maša Škrbić; **FOTOGRAFIJE:** Mirza Subašić, Emir Čaplja; **DTP:** Emir Čaplja; **ŠTAMPA:** MeligrafPrint Zenica